

ხელშეკრულება N 120

სახელმწიფო შესყიდვის შესახებ

(ელექტრონული ტენდერი SPA200000989)

ქ. თბილისი

26 მარტი 2020წ.

საქართველოს სახელმწიფო უსაფრთხოების სამსახური (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204584887), შემდგომში წოდებული „შემსყიდველად“, წარმოდგენილი სუს ეკონომიკური დეპარტამენტის დირექტორის სერგო ჯანელიძის სახით და

მიმწოდებელი: შპს „ეკომშენი 2014“, საიდენტიფიკაციო კოდი: 424612707

მისამართი, ტელეფონი: ქ. თბილისი, მტკვრის ქ.4; ტელ: +995551088749

დირექტორი: დავით ფირცხალავა

საბანკო რეკვიზიტები: ს/ს "საქართველოს ბანკი" ბანკის კოდი: BAGAGE22 ანგარიში: GE85 BG00 0000 0826 0183 00

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, თანდართული ყველა დოკუმენტით, რომელიც ხელმოწერილია მხარეთა მიერ.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დოკუმენტაცია“ - მიმწოდებლის მიერ SPA200000989 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 წინამდებარე ხელშეკრულების დანართი N1-ით განსაზღვრული სანტექნიკური მასალების შესყიდვა (CPV42100000).

3. ხელშეკრულების ღირებულება

- 3.1 ხელშეკრულების ღირებულება შეადგენს - **10 687.00** (ათი ათას ექვსას ოთხმოცდაშვიდი) ლარს.
- 3.2 ხელშეკრულების ღირებულება მოიცავს საქონლის ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული საქონლის მიწოდება დანართი N1-ით განსაზღვრულ ვადებში, შემდეგ მისამართზე: ქ.თბილისი, ვაჟა-ფშაველას გამზ. N72;
- ბ) გადასცეს შემსყიდველს უფლებრივად და ნივთობრივად უნაკლო საქონელი;

გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) აუნაზღაუროს მიმწოდებელს მიწოდებული საქონლის ღირებულება ხელშეკრულებით განსაზღვრულ ვადებში და ფორმით;
- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

- 5.1. მიწოდებული საქონლის ტექნიკური მახასიათებლები და ხარისხი უნდა შეესაბამებოდეს ხელშეკრულების დანართი N1-ში მითითებულ ტექნიკურ მაჩვენებლებს და წარმოდგენილ ნიმუშებს.

6. ხელშეკრულების შესრულების კონტროლი და საქონლის მიღება-ჩაბარების წესი

- 6.1. შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში.
- 6.2. ხელშეკრულების პირობების შესრულების კონტროლს განახორციელებს სუს ეკონომიკური დეპარტამენტის მატერიალურ-ტექნიკური უზრუნველყოფის მთავარი სამმართველოს ქონების მართვისა და ექსპლუატაციის სამმართველოს საკომენდანტო სამსახურის უფროსის მოადგილე ზაქარია იოსებაშვილი, ხოლო საქონლის მიღება-ჩაბარების აქტის გაფორმებას უზრუნველყოფს ამავე დეპარტამენტის სასაწყობო სამსახური.
- 6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. წუნდებული საქონლის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან **10 (ათი) დღის** განმავლობაში გამოასწოროს წუნი.
- 6.4. ობიექტური მიზეზით 6.3 პუნქტით განსაზღვრულ ვადაში წუნის გამოსწორების შეუძლებლობისა და შემსყიდველის მიერ მიწოდებული საქონლის ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება შემსყიდველის მიერ მითითებულ გონივრულ ვადაში.
- 6.5. შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
- 6.6. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელება.
- 6.8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება

- 7.1. ანგარიშსწორება განხორციელდება შემდეგი პირობებით:
- ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 7.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნადების) გამოწერიდან/წარმოდგენიდან **10 (ათი) სამუშაო დღის** განმავლობაში, ხოლო იმ შემთხვევაში თუ მიმწოდებლის მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი) სამუშაო დღის** განმავლობაში.

8. ხელშეკრულების შესრულების შეფერხება

- 8.1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით

შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9. ხელშეკრულების პირობების შეუსრულებლობა

- 9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე, შეუსრულებელი ვალდებულების შესაბამისი ღირებულების **0.2%-ის** ოდენობით.
- 9.2 იმ შემთხვევაში თუ 9.1 პუნქტით გათვალისწინებული დარღვევებისათვის ვადაგადაცილებული დღეების რაოდენობა გადააჭარბებს 30 კალენდარულ დღეს, შემსყიდველი უფლებამოსილია მიმწოდებელს დააკისროს პირგასამტეხლო **ხელშეკრულების ღირებულების 5%-ის ოდენობით**.
- 9.3 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების არაჯეროვნად შესრულების ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.
- 9.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
- 10.2 წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

- 11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.
- 11.2 თუ მოლაპარაკებით შემსყიდველი და მიმწოდებელი ვერ შეძლებენ სადაო საკითხის გადაწყვეტას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

12 ხელშეკრულების შეწყვეტა

- 12.1 შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.3 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.
- 12.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
- 12.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
- 12.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13. ხელშეკრულების მოქმედების ვადა

- 13.1 წინამდებარე ხელშეკრულება ძალაში შედის ხელმოწერის დღიდან და მოქმედებს 2021 წლის 31 იანვრის ჩათვლით.

14. ფორს-მაჟორი

- 14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 14.2 წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს

წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

- 15.1 ხელშეკრულება შედგენილია ელექტრონულად ქართულ ენაზე, რომელიც მხარეების მიერ დადასტურებულია ელექტრონული კვალიფიციური ხელმოწერით/შტამპით.

დანართი N1

ფასების ცხრილი

№	შესყიდვის ობიექტი	ტექნიკური მახასიათებლები	მწარმოებელი ქვეყანა/კომპანია/მოდელი	განზომილება	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	წყლის ტუმბოს მართვის კონტაქტორი	ელექტრო ტიპტივა, სამწვერა კონტაქტით	ჩინეთი, მარკუსი, არ გააჩნია	ცალი	10	25	250	ბელგეგრელების გაფორმებიდან 2020 წლის 15 (თხუთმეტი) დეკემბრის ჩათვლით. საქონელოს მიწოდება უნდა განხორციელდეს მოთხოვნის შემთხვევაში, მოთხოვნიდან 15 კალენდარული დღის ვადაში	ქ. თბილისი, ვაჟა-ფშაველას N72
2	წყლის ტუმბო	წყლის ტუმბო Q 5 - 40 1/min; H 38-5.5m 10 A max; 10 Bar max	ჩინეთი, მარკუსი, არ გააჩნია	ცალი	5	100	500		
3	წყლის ტუმბოს გიდროფორი	გიდროფორი - ე.წ. "ტივინი"	ჩინეთი, მარკუსი, არ გააჩნია	ცალი	4	60	240		
4	ვენტილი	ნახევარი ბრუნით პლასტმასის (ბურთულოვანი) d40	ჩინეთი, იფანი, არ გააჩნია	ცალი	5	8	40		
5	ონკანი	ვენტილი "არკოს" ტიპის 3/8 თავით	ჩინეთი, მაკი, არ გააჩნია	ცალი	4	12	48		
6	ონკანი	ვენტილი "არკოს" ტიპის 1/2 თავით, გამოსაცვლელი გულანით (კარტრიჯით)	ჩინეთი, მაკი, არ გააჩნია	ცალი	4	5.5	22		
7	ონკანი	ვენტილი "არკოს" ტიპის 3/4 თავით	ჩინეთი, მაკი, არ გააჩნია	ცალი	4	6.5	26		
8	აბაზანის წყლისშემრევის სამკაპი	წყლის ნაკადის გადამრთველი, რევერსული მოძრაობით	ჩინეთი, YVI, არ გააჩნია	ცალი	4	7	28		
9	უქსარქველი	თითბერის; D=1"	ჩინეთი, იფანი, არ გააჩნია	ცალი	4	9	36		
10	წყლისშემრევი	ზედა მიწოდების. "კობრის" ტიპის.თითბერის	ჩინეთი, იუკოსი, არ გააჩნია	ცალი	4	32	128		
11	ფანტანის თავი	მექანიკურად წყლის ნაკადის შეწყვეტით.ცხვირი ვერტიკალური წყლის ამოსვლით, წყალი მოდის დაწოლის შემთხვევაში და იკეტება ავტომატურად	ჩინეთი, ნიუ, არ გააჩნია	ცალი	10	14	140		
12	დამგავი სარქველი 1/2"	3bar გათბობის სისტემისთვის	ჩინეთი, ფირატი, არ გააჩნია	ცალი	4	15	60		
13	უქსარქველი 1/2"	თითბერის	ჩინეთი, ფირატი, არ გააჩნია	ცალი	4	5	20		
14	უქსარქველი 3/4"	თითბერის	ჩინეთი, ფირატი, არ გააჩნია	ცალი	4	7	28		
15	უქსარქველი 1" 1/4	თითბერის	ჩინეთი, ფირატი, არ გააჩნია	ცალი	4	15	60		
16	თერმო რეგულატორი	წყლის გამაცხელებელი ავზებისთვის, არანაკლებ 2 კვტ სიმძლავრისა	ჩინეთი, ნესკი, არ გააჩნია	ცალი	4	20	80		
17	წყლისშემრევი	ქვედა მიწოდების. "კობრის" ტიპის.თითბერის	ჩინეთი, იუკოსი, არ გააჩნია	ცალი	150	35	5250		
18	ონკანი ეზოს	თითბერის. ბურთულოვანი, ნახევარი ბრუნით 20 მმ დიამეტრის	ჩინეთი, ვენუს, არ გააჩნია	ცალი	50	5.5	275		
19	რადიატორის ონკანი	მიწოდების; პირდაპირი შეერთების. რადიატორთან მიერთების დეტალს უნდა ქონდეს რეზინის შუასაღები	ჩინეთი, ფირატი, არ გააჩნია	ცალი	4	15	60		
20	რადიატორის ონკანი	მიწოდების; კუთხოვანი შეერთების. რადიატორთან მიერთების დეტალს უნდა ქონდეს რეზინის შუასაღები	ჩინეთი, ფირატი, არ გააჩნია	ცალი	50	15	750		
21	რადიატორის ონკანი	უკუსვლის; პირდაპირი შეერთების. რადიატორთან მიერთების დეტალს უნდა ქონდეს რეზინის შუასაღები	ჩინეთი, ფირატი, არ გააჩნია	ცალი	50	15	750		
22	რადიატორის ონკანი	უკუსვლის; კუთხოვანი შეერთების. რადიატორთან მიერთების დეტალს უნდა ქონდეს რეზინის შუასაღები	ჩინეთი, ფირატი, არ გააჩნია	ცალი	50	15	750		
23	წყლისშემრევის მექანიზმი	კობრის ტიპის წყლისშემრევისათვის. 40 მმ დიამეტრის	ჩინეთი, სენატორი, არ გააჩნია	ცალი	4	3.5	14		
24	წყლის ონკანის გულანა	"არკოს" ტიპის კარტრიჯიანი ონკანისთვის	ჩინეთი, სენატორი, არ გააჩნია	ცალი	4	3	12		
25	წყლისშემრევი აბაზანის (საშაპის)	ქრომირებული. მაღალი ხარისხის. კორპუსი თითბერის, მთლიანი ჩამოსხმის	ჩინეთი, იუკოსი, არ გააჩნია	ცალი	20	46	920		
26	წყალშემრევი	კობრის ტიპის, უხორთუმო, უძრავი სამხავე მილისთვის, ზედა მიწოდების	თურქეთი, მეჯიდოგლუ, არ გააჩნია	ცალი	4	50	200		
		სულ:					10,687.00		

შემსყიდველი
სახელმწიფო უსაფრთხოების სამსახური
სუს ეკონომიკური დეპარტამენტის დირექტორი
სერგო ჯანელიძე

მიმწოდებელი
შპს „ეკომშენი 2014“
დირექტორი
დავით ფირცხალავა